



Si Kokoy at ang Umang-umang
Kriezel Jane Elbabuena
Mae Sheilou Conserva





Si Kokoy ay naninirahan malapit sa dagat.
Tuwing hapon ay isinasama siya ng kaniyang
Lolo sa pamimingwit ng isda o panghuhuli ng
mga alimasag.



Isang araw, habang sumisilong sila sa lilim ng puno ng Talisay ay nakakita siya ng isang hayop na gumagapang sa buhangin. Hinuli niya ito at iniuwi sa kanilang bahay.



"Lola, may nakita akong hayop sa buhangin.
Ano ang tawag dito?"



"Ay naku, Kokoy! Umang-umang iyan. Ano ang gagawin mo diyan?"

"Gagawin ko sana siyang alaga."



"Naku, Kokoy! Halos lahat ng umang-umang ay hindi ginagawang alaga," sabi ng kaniyang lola.

"Kailangan nila ng kasama, at mas nakabubuti kung nandoon sila mismo sa kanilang tirahan."
"



Ngunit kahit na sinabihan na ito ng kaniyang lola, inilagay pa rin ni Kokoy sa labador and umang-umang.

Nilagyan niya ng buhangin at mga bato ang sisidlan nito.

Binigyan niya ng tinadtad na niyog at tubig na nakalagay sa tansan ang kanyang bagong alaga.



Sa unang araw, malakas pa na gumagapang ang umang-umang sa buhangin.

Ngunit, pagkalipas ng ilang araw ay unti-unti na itong nanghina.



Isang hapon, inilagay ni Kokoy ang umang-umang sa garapon at binitbit ito sa kaniyang paglalakad sa tabing-dagat.

"Kokoy, bakit ka nag-iisa dyan?" tanong ng kaniyang lolo.

"Wala kasing may gustong makipagkaibigan sa akin, Lolo."



Sa ilalim ng puno ng talisay ay pinagmasdan ni Kokoy ang umang-umang na mistulang gustong-gusto nang kumawala sa garapon. Ngunit, lagi lang itong nagdadausdos. "Magkaibigan tayo ha," sabi ni Kokoy sa umang-umang.



Makalipas ang ilang araw ay takang-taka si Kokoy kung bakit laging nagtatago ang umang-umang sa kaniyang alukaba. Lagi rin itong naghuhukay ng buhangin at minsanan lang kung kumain o uminom ng tubig. Naalala ni Kokoy ang sinabi ng kaniyang Lola tungkol sa mga umang-umang. May kalungkutang nagpasya si Kokoy. "Kaibigan kong umang-umang huwag ka nang malungkot."



Dinala ni Kokoy ang garapon sa tabing-dagat at binuksan ito. Dagling gumapang ang umang-umang patungo sa buhangin. Hindi napansin ni Kokoy na may batang lumalapit sa kaniya.

"Uy! Ano ang ginagawa mo diyan sa buhangin?"

Ito ang unang beses na may batang gustong kumausap kay Kokoy.



"Ibinalik ko ang aking alagang umang-umang sa kaniyang tirahan."

"Ay, nag-alaga ka pala ng umang-umang?"

"Oo, pero pinakawalan ko na ito. Kailangan niya kasi ng kasama sabi ni Lola," paliwanag ni Kokoy.

"Mabuti at may kasama na ito ngayon. Tara! Makipaglaro ka sa amin," anyaya ng bata.



Tumakbo ang bata kasama si Kokoy papunta sa iba pang mga bata. Isa-isa silang nagpakilala kay Kokoy. Doon sila tumalon-talon sa tintin-baka at tumawa sa paglaro ng siyato at ins-ins.





Labis ang tuwa ni Kokoy sa kaniyang mga bagong kalaro.

"Babalik ka pa ulit dito sa dagat ha?" sabi ng kaniyang bagong kaibigan. "Maglalaro pa tayo."

"Oo, sasali ulit ako sa inyo." At nang hapong iyon, habang papalubog ang araw, ay masayang naglakad si Kokoy pauwi sa kanilang tahanan.

Talasalitaan:

Tintin-baka, siyato, Ins-ins- mga larong pinoy





Palaging nag-iisa ang batang si Kokoy dahil wala itong mga kalaro. Isang araw ay nakakita sya ng isang umang-umang. Magkakaroon na kaya ng kaibigan si Kokoy?



ABC+: Advancing Basic Education in the Philippines



This book was developed as part of the ABC+: Advancing Basic Education in the Philippines project. ABC+ is a partnership of USAID and the Department of Education (DepEd), implemented by RTI International together with The Asia Foundation, SIL LEAD, and Florida State University.

This book was quality assured by Donald T. Genine, EPS-LRMS, Celestino S. Dalumpines IV, EPS-Filipino, and Schubert Anthony C. Sialongo, EPS-LRMS, and was approved for publishing by the Department of Education Region VI - Western Visayas Learning Resource Management Section (LRMS) of the Curriculum and Learning Management Division (CLMD).

This book was also evaluated by Amy Fe Pagunsan, Francisco Misajon, Jr. and Dream Rose Malayo, and field tested by Laura Tumangday.

If you copy and distribute this work in its entirety, without making changes to content or illustrations, please label the work as follows: “Reproduced on the basis of an original work developed under the USAID ABC+: Advancing Basic Education in the Philippines project and licensed under the Creative Commons Attribution-NonCommercial 4. 0 International License.”

If you create a translation of this work, please use the following label on your work: “Translated from an original work developed under the USAID ABC+: Advancing Basic Education in the Philippines project and licensed under the Creative Commons Attribution-NonCommercial 4. 0 International License.”

If you create an adaptation of this work,
please use the following label on your work:
“This is an adaptation of an original work
developed under the USAID ABC+: Advancing
Basic Education in the Philippines project
and licensed under the Creative Commons
Attribution-NonCommercial 4. 0 International
License.”

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.


To read more books like this and get further information,
visit: letsreadasia.org

Original Story

Si Kokoy at ang Umang-umang (*Kokoy and the Crab*). Author: Kriezel Jane Elbabuena. Illustrator: Mae Sheilou Conserva. Contributor: USAID's ABC+: Advancing Basic Education in the Philippines.

Published by The Asia Foundation - Let's Read, © The Asia Foundation - Let's Read. Released under CC-BY-NC-4.0.

This work is a modified version of the original story. @ The Asia Foundation, 2023. Some rights reserved. Released under CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Kea Chiva